

გ ა ნ მ ა რ ტ ე ბ ი თ ი ბ ა რ ა თ ი

„უცხოელთა სამართლებრივი მდგომარეობის შესახებ“
საქართველოს კანონში დამატებების შეტანის თაობაზე
საქართველოს კანონის პროექტზე

ა) ზოგადი ინფორმაცია კანონპროექტის შესახებ:

ა. ა) კანონპროექტის მიღების მიზეზი:

კანონპროექტის მიღება დაკავშირებულია „ყოფილი სამხრეთ ოსეთის ავტონომიურ ოლქში საქართველოს ტერიტორიაზე კონფლიქტის დროს დაზარალებულთა ქონებრივი რესტიტუციისა და კომპენსაციის შესახებ“ საქართველოს კანონის მიღებასთან.

ა. ბ) კანონპროექტის მიზანი:

კანონპროექტის მიზანს წარმოადგენს ყოფილი სამხრეთ ოსეთის ავტონომიურ ოლქში კონფლიქტის შედეგად საქართველოს ტერიტორიაზე იძულებით გადაადგილებულ პირთათვის შეღავათის მინიჭება, რათა მათ უკეთ დაიცვან თავიანთი უფლებები საქართველოში მათი საქმის განხილვისას.

ა. გ) კანონპროექტის ძირითადი არსი:

კანონპროექტის თანახმად, ღროებითი ბინადრობის ნებართვა უნდა მიეცეს პირს, თუ მის მიერ შეტანილ განცხადებას იხილავს რესტიტუციისა და კომპენსაციის კომისია ან მისი კომიტეტი, ხოლო მუდმივი ბინადრობის ნებართვა – პირს, რომლის მიმართ რესტიტუციისა და კომპენსაციის კომისიამ ან მისმა კომიტეტმა მიიღო გადაწყვეტილება ქონებრივი რესტიტუციის, ადეკვატური (სანაცვლო) უძრავი ქონების დაბრუნების ან ქონებრივი ზიანის კომპენსაციის შესახებ.

ბ) კანონპროექტის ფინანსური დასაბუთება

ბ. ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო:

კანონპროექტის მიღება არ საჭიროებს რაიმე ხარჯებს.

ბ. ბ) კანონის გავლენა ბიუჯეტის საშემოსავლო ნაწილზე:

კანონპროექტის მიღება არ მოახდენს გავლენას ბიუჯეტის საშემოსავლო ნაწილზე.

ბ. გ) კანონის გავლენა ბიუჯეტის ხარჯვის ნაწილზე:
კანონპროექტის მიღება არ იწვევს ცვლილებებს ბიუჯეტის ხარჯვით ნაწილში.

ბ. დ) სახელმწიფოს ახალი ფინანსური ვალდებულებები:
კანონპროექტის მიღება არ წარმოშობს სახელმწიფოს ახალ ფინანსურ ვალდებულებებს.

ბ. ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მიღება:
კანონპროექტი არ იწვევს ფინანსურ შედეგებს.

ბ. ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):
კანონპროექტით არ დგინდება რაიმე სახის გადასახადის, მოსაკრებლის ან სხვა სახის გადასახდელის ოდენობის განსაზღვრის წესი.

გ) კანონპროექტის მიმართება საერთაშორისო სამართლებრივ სტანდარტებთან

გ. ა) კანონპროექტის მიმართება ევროკავშირის დირექტივებთან:
კანონპროექტი არ მოდის წინააღმდეგობაში ევროკავშირის დირექტივებთან.

გ. ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:
კანონპროექტის მიღებით არ იცვლება საერთაშორისო ორგანიზაციებში საქართველოს წევრობასთან დაკავშირებული ვალდებულებები.

გ. გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან:
კანონპროექტის მიღება არ ეწინააღმდეგება საქართველოს ორმხრივ და მრავალმხრივ ხელშეკრულებებს.

დ) კანონპროექტის მომზადების პროცესში მიღებული კონსულტაციები:

დ. ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში:
კანონპროექტის შემუშავებაში მონაწილეობა არ მიუღიათ ექსპერტებს.

დ.ბ) კანონპროექტის შემუშავებაში მონაწილე ორგანიზაციის (დაწესებულები) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:

კანონპროექტთან დაკავშირებით არ არის გამოთქმული შენიშვნები.

დ. გ) კანონპროექტის ავტორი:

საქართველოს იუსტიციის სამინისტრო.

დ. დ) კანონპროექტის ინიციატორი:

საქართველოს პრეზიდენტი.